

**GABRIELIS CLAUDERI,  
D. MEDICI DUCALIS  
SAXONICI, ACADEMICI  
CURIOSI, INVENTUM  
CINNABARINUM, HOC...**

---


Gabriel Clauder



Onstrabas quondam, quid sit Lapis ille Sophorum,  
Infima quem Tellus, quem simul Astra ferunt.  
Hinc Pollincturam, quæ mortua corpora servet,  
Tradebas doctâ Mente manuq; sagax.  
Jam Medium profers, morbos quod pellat acutos,  
Vrvo ut succurras, exanimiq; simul.  
Unde Tuum nomen jam extremas fertur ad Oras,  
Et quoq; post Mortem Fama perennis erit.  
Quisquis enim satagit raras excludere partûs,  
Is meritò Famâ Clarus in Orbe viget.

Ita de Eruditissimis Scriptis, Eorumque Autoris  
Nobilissimi Famâ augurabatur

D. J. Bobn, in Acad, Lips. P. P.



# PRÆFATIO.

## Lectori Curioso

*Mentem sanam in corpore sanò!*

**P**ublicò te denuò, curiose Lector, invisere lubet Scriptò; non alium quidem ob finem, quàm, ut hoc labore, vel laboriosò inventò candorem, conatumque meum de Humanò Genere opem Medicam desiderante benè merendi, erudito Orbi probatum eam. Jussit enim Cœlestis & *Majesticus* ille *Paterfamilias*, ne orientur; sed fodiant in suâ vineâ Mundani Incolæ. Hinc Mandato huic satisfactorius Egomet, intravi hætenus nobilissimas illas *Hungariæ* vineas, longiùs quidem abhinc distantes.

Non autem placuit degustare ipsas uvas, sine hederâ omnì quidem venibiles; aut eorum succum tot-tot regionibus desideratissimum, abstemiis quoque salivam satis copiosè moventem, neque eandem examinare qualitates laude omni majores, ne harum effugiei à diversis, præcipuè verò ab incomparabili *Suebici* nostrò in suâ *ampelographia* ad vivum delineata umbram appingere velle videar. Sed hisce potius anteposui ventilare *mineras* in montibus subiacentibus contentas, *mineras* in specie *Cinnabarinas*, ipsò aurò contra caras, utpote scaturigines atque fontes, unde quasi exsulant ac protruduntur lacrymæ illæ hilaræ, lacrymæ illæ tantæ virtutis, tanti pretii, tantæ estimationis.

Laboravi ibidem fodiendo pro talenti mei viribus. Et cum Corniculæ *Æsopica* genium ac mores semper abhorruerim, ac nauseaverim ludicrum atque philautum illud scripturiendi Cacoethes, dum scilicet ab aliis jamdum inventa, dicta ac scripta iterum, iterumque scribere, describere, exscribere, præscribere, rescribere, transferibere non erubescit, imò insanò pruritu in deliciis habet detestabile illud literariorum furum, vel simiarum genus; ideoque & licet nolui cramben ab aliis ac alibi coctam denuò recoquere; sed produco saltem genuinum & proprium ingenii mei (qualemqualem licet,) Fortum.

Si evenerit, ut unus alterque Medicorum inventò hõcce meò meliora ac al-

tiora noverit, ille, Deo gratias agens pro donis in se collatis, sibi gratuletur, ac ponderet, quòd ita nunc demum discere, veluti alii, non opus habeat, atque secum habitans, neutrquam invidet per horum intempestivam taxationem ac vilipendium aliis in palæstrâ chymicâ minùs exercitaris, aut infelicio ribus operatoribus, Medicis præcipuè junioribus, si eorundem laboribus pro ægrotorum solatiò aliquid lucis accrescat, quod quidem heic eventurum, mihi certè promitto, indubiis rationum ac experientiæ meæ pulvere hòc *cinnabarinò* plus vice simplici institutæ testimoniis suffultus.

Si lubuerit quibusdam circa conatum huncce meum tædiosò ac gravi opere coemtum monere nonnulla sine impiis ac sophisticis scommatum aculeis, modis Medicos Christianos decentibus, erit gratissimum. Quòd plures enim & profundiores ex hòc chymiatricæ sapientiæ fonte bibantur ab ingenuis rerum naturalium scrutatoribus, cò plures semper sitiuntur, imò sitiantur aquæ. Nemo enim hucusquè reverà contradicere dictærio illi, aut illud infringere valuit, quòd maxima pars eorum, quam etiam Nos moderni in Medico-chymicis sciimus, sit minima pars eorum quæ nescimus.

Propterea alios Dominos *Collegas Curiosos*, ac cives Mundi Medicos, præprimis quidem eos, quibus è lutò meliore constant præcordia, eâ, quâ decet, observantiâ ac humanitate volo rogatos, ne Talenta concredita Terræ tradant otiosa; sed tam naturalia alia è largò Naturæ cornu copiæ fertili hòc seculò facilius depromenda, quàm in specie *nativam* hancce *cinnabarin* adcuratiore mentis trutinâ, ac pyrotechniæ, chymicæ adminiculò penitus, penitusquæ ruminare non dedignentur. Deum enim sua bona Nobis vendere solere labore, quis ignorat? Certè enim mihi constat, sub sordidò hòc vilì ac terrestri majoris adhuc ponderis, majorisque momenti latitare arcana.

Siquidem de tali quòdam propriæ experientiæ fide testari heic quædam, si vellem, valerem, nisi iniquam invidorum ac nasutulorum censuram metuens, frequentioribus illud ac firmitioribus experimentorum practicorum roboratum testimoniis, atquè in pleniorè exaltatam perfectionem alii reservare occasioni placeret; Vitæ ac mortis illò Directore aternò vitam mihi concedente.

Vale, Curiose Lector, ac candidè faventi fave candidè.



CAP. I.

*Scopum Autoris indigitans.*

**D**Um de *Cinnabari* nativâ *Hungaricâ* & publicæ utilitati, & curiosis rerum Physicarum scrutatoribus communicare nonnulla, animum induxi, ne utiquam meus est scopus; de ejusdem Etymologiâ, origine, Synonymia, ac differentiis diversis, essentiâ item ac partibus constituentibus; multò minùs de modis præparandi usualibus, usuq; ejusdem vario medico-mechanicò, & similibus varia præmittere, ac amplis ambagibus exspatiari, ne noctuas portare *Athenas*, aut crambem ab aliis alibi coctam recoquere videar, (semper enim tales excriptiones & repetitiones obtrudere lectori, nauseavi,) cùm de hisce Autores diversi poterint consuli, & præteritò anno eadem specialius pertractaverit in suâ *Cinnabriorum* triga Clariss. Godof. *Scholzius*; imò similem atq; lucernam olentem dilucidationem in ultimis nun-



dinis palchalibus erudito Orbi exhibuerit in curioso suo scrutinio physico *Cinnabaris* mineralis laboriosus Dn-Matth. *Tillingius*: Sed propositum meum eò collimat, ut saltem peculiari quâdam methodô ac tædiosâ perscrutatione non ita pridem pro talenti mei viribus inventum & confectum remedium Cinnabarinum aliquod in specie explanem atq; pro miraculosis, iisque majesticis DEI O.M. operibus ac donis magis magisq; disseminandis, proximiq; indigentis commodo juvando, atq; augendo ægrotantium solatiô innotescere concedam.

## CAP. II.

*Generaliora De Medicamentis  
Mercurialibus exhibens.*

## §. I.

**C***innabarinum* id autem est, uti dixi, medicamentum, Cideoq; minerale, vel è latentibus Terræ visceribus erutum, nec regno animali, aut vegetabili natales debens. Proinde quidem gratiam & applausum non adeò insignem apud multos quâ Medicos, Galenicos dictos, quâ viros alios eruditos mereri videbor, cùm medicamenta è mineralibus & rebus metallicis petita eorundem pluribus longâ annorum serie malè audiverint, & adhuc malè audiant. Ideoq; eadem Misochymici καὶ  
ἐξοχῶν

ἐξοχὴν chymica nominant, & ut apud curiosos Chymiam non callentes eò magis suspecta reddunt ac diffament, varia tentant, v. g. dum aliquot guttas spiritus Vitrioli, aut nitri, corio vel panno instillant, & ex insequente erosione simile stomacho ac intestinis metuendum esse, ac contingere, falsò ominantur, atq; aliis persuadere conantur. Dum enim abundamus, dicunt illi insuper, è regni animalis ac vegetabilis cornu copix remediis auro contra caris ac benignioribus, complexionibus nostris majore harmoniâ & propius conformibus, atq; si operationem eorum spectes, citò - tutò - jucundè suam conferentibus operam, teste experienciâ; Quid, quæsò, opus erit, confugere ad illa metallica ac subterranea, quippe quæ copiosis impuritatibus ac sylvestribus heterogeneousitatibus admixtis, imò non rarò venenata, Archæoq; nostro nimio perè, & multò magis, ac illa ex animali & vegetabili regnis depromi solita dissidentem qualitate scatent, vel ad minimum fortissimis compedibus alligata & unita, ut persæpè summè necessaria illa puri ab impurâ separatio, si non planè sit impossibilis, ad minimum tamen difficilimè procedat, captumque ingeniorum chymiurgicorum plurium superet.

§. II. In specie verò suspecta habentur à Medicorum Misochimicorum non paucis medicamenta è *Mercurio* metallicò, & quæ huic affinia (qualia quidem quo-

que sunt *cinnabarina*, quippe cujus essentiam *Mercurius* bonam partem constituit.) Et hoc quidem si scapham scapham nominare velim, certò respectu non adeò immeritò. Quamvis enim eadem *Mercurialia* indefessò labore ac diuturniore tempore depurata ac legitimè preparata (legitimè præparata & depurata dico) contra contumaciora & fortiores *Herculis* clavam exposita morborum genera incomparabili efficaciam operentur, aliisque remediis pluribus palmam facilè præcipiant; adeò quidem, ut uni alterique Chymiatorum, spiritus cerebri sagacioribus meditationibus exercentium, atque impigris manibus carbones tractantium sucesivè licuerit esse tam felici, conficere exinde nonnulla ad *panacearum* naturam propius accedentia, ac in hoc vel illo subjecto modò per diaphoresin, modò per diuresin, modò per sputum, hæmorrhagias, alvum aut vomitum, Archæo sic dirigente, materiam peccantem exturbantia, prout hanc dispositam inveniunt, qualia sunt *tinctura Mercurialis Paracelsi*, *Mercurius diaphoreticus Helmontii*, *Mercurius præcipitatus diaphoreticus*, vel *aurum vite Hartmanni*, *panacea de la Vigne*, Medici Regii Parisiensis è *Mercurio* cum auro & lunâ præcipitatò, &c. &c. de *Mercurio* cum auro præcipitato *Heslingii azoth* ab eodem vocato, aliisque similibus, jam taceo, (cum paulò inferius de hoc plura,) contra morbos omnis generis desperatissimos creberrima experientiam probata.



§. III. Sic celeberrimus Lipsiensium Chymiater, D. Joh. Michaëlis è *Mercurio antimonii & croco auri* juxta *Basilium Valentinum*, parato peculiarilabore conficiebat *Mercurium* cum auro præcipitatum, dum scilicet hæc per lesquiannum igne continuo tractabat, ut inde fuisset sperandum medicamentum rarissimæ virtutis contra plures adfectus, aliis remediis tam facilè non obediens; sed fata volebant, ut vitrum tantò temporis cautè tractatum ac servatum, ob ignem plus justò auctum, dissiliret, veluti in tractatu meo de *Tinct. Univers.* p. 150. 151. hac de re ampliora reperire poterit curiosus Lector.

§. IV. Nihil dicam de hoc, *Mercurium* tantæ fuisse in animis diversorum Alehymicorum autoritatis, ut planè *Lapidem Philosophorum* inde elicere plus vice simplici fuerint ausi. Et licet loco quæsit *lapidis* bona sua dilapidârint, nihilominus quidam albarum gallinarum filii mediante *Mercurio*, metallorum vitiorum in pretiosiora transmutationem, & quidem aliquando non sine fœnore invenerunt possibilem; Quâ de re variæ historiæ fide nostrâ dignissimæ produci possent, nisi prolixitatem nauscarem, ac alibi ab aliis prolata repeterem auribus indignantibus.

§. V. Attamen dictâ remediiorum similium raritate ac dulcedine allekti nonnulli levioris inter Medicos

armaturæ milites, imò inertes ciniffones, illotis mandus, quod dicitur, postea & superficiariè eadem tractando, ac ægrotantibus novitatum arcanorumq; plus justò avidis obtrudendo, nec purum ab impuro, i. e. eruditates metallicas, veneno sapiùs analogas, imò satis venenatas à genuinâ substantiâ medicamentosâ decenter separando, nec sufficiente digestionè & fixationè, aut ex imperitiâ, aut intempestivâ properatione ad debitam perfectionem producendo, in causa sunt, ut post talia Mercurialia propinata in vicem desideratæ reconvalescentiæ, si non ipsa mors, tamen ad minimum periculosa frequenter succedant symptomata; qualia partim sunt, teste dolor! experientiâ, nervosum genus inprimis lædentiæ, v. g. motus convulsivi, apoplectici, paralytici, tremores artuum, lypothymix, cardialgiæ, stomachicæ œconomix subversiones, vomitus, cruentæ alvi dejectiones, & alia.

§. VI. Loco plurium sufficiat solus ille pulvis *Azoth Heslingii*, cujus superiùs mentio facta. Hic enim erat *Mercurius* cum auro præcipitatus & fixatus, ideoque amplo ægrotantium numero laudabili primis aliquot mensibus succurrebat effectu, dùm autem in multis sui desiderium excitabat, & commendabat, eveniebat, ut dictus Autor expeditioni ægrotantium & crumenæ suæ auro inhianti satisfactorius dictum pulverem postea

stea ante decenter absolutam digestionem & fixationem venderet; (Curiosi enim, & æmuli quidam illum diversis modis examini subiciebant, ac in specie mediante microscopio Mercurium adhuc currentem ostendebant) hinc loco expectatæ reconvalescentiæ non paucis à Mercurio istò partim adhuc crudò & indigestò, si non ipsa mors, ad minimum varia, eaq; periculosa oriebantur symptomata, veluti hæc dere Uno - plura Orbis literatus vidit scripta. Ut hic loci taceam brevitatis amore, graves illos adfectus, qui aurifabris, metallariis, & similibus operariis è solo fumò Mercuriali tantum non quotidie accidunt.

§. VII. Ut autem clariore luce splendeant modò dicta de dubiâ & periculosâ Mercurialium remediorum compositione & extractione, & quam difficulter adenda sit hæc *Corintbus*, in gratiam Philiatorum, atq; praxin medicam incipientium, ac in honorem auro contra caræ veritatis lubet adjungere sequens testimonium: Dum anno 1660. exterarum regiones visitabam, sæpè eruditissimò uti licebat Colloquiò cum Chymiatro quodam seculi nostri primicerio. Hic ob literas à magno meo D. *Michaëlis* oblatas mihi inter alia de Mercurialium remediorum qualitatibus, arcanisq; eadem præparandi modis sedulò sciscitanti, atq; iisdem avidissimè inhianti summò candore varia detegebat & enucleabat.

§. IIX. Tandem verò in hæc erumpebat verba: gloriari egomet possum, me inter Chymicos hodiè viuentes extra omne dubium esse leniorem; (erat autem supra octogenarius lecto affixus, mortisq; è Marasmo senili candidatus) siquidem plus quam 50. annos continuos, & quod excurrit, strenuus consumsi in chymicè perſcrutandis regni animalis, vegetabilis, & præcipuè mineralis rebus phyſicis, & quidem omnia largis Domini mei gratioſiſſimi ſumtibus. Diuturno hoc tempore dicto, ac numerosâ abſumtâ pecuniâ multa utilia ac curioſa quæſivi & partim quoq; obtinui; Fruſtrâ tamen & irritò effectû multa etiam tentavi, oleumq; & operam perdidî. In ſpecie aliquot mille thaleros impendi in ruminando, & enucleando polymorpho iſto Protheo, *Mercurio*, acquiſivi quidem inde non nulla non ſpernanda ſed impenſis factis neutiſquam reſpondentia, & hæc quidem tam in re medicamentosâ, quam transmutatoria. Proinde ſeriò & eâ, quâ par eſt, animi ingenuitate monitum te velim, ut caveas tibi ab infido & variabili iſto Vertumno, cerebrum, licet ſubtile, manum, licet expertam & indefeſſam ut plurimum eludente.



## CAP. III

*Autoris nauseam in medicamentis purè Mercurialia proponens.*

## §. I.

Quamvis quidem antea mihi optimè constiterit & observaverim, quod ὁ πᾶν meus, & quialias Operum meorum medicorum cynosura erat præcipua, si à Deo disceseram, incomparabilis ille Lipsiensium Chymiater, D. Joh. Michaëls, præter alias remediorum formulas aliquando non infelici effectu propinaverit consilium suum medicum expetentibus remedia Mercurialia, v. g. utebatur Mercurio per tempus cum auro præcipitato diaphoretico, *Drieff Horizontale* dicto, ut & Mercurio sublimato dulci purgantibus aliis admixtò; non minus Mercurium vivum aquæ fl. hyperici, aut acaciæ, vel graminis infundebat, & post vehementem & repetitam agitationem hanc aquam Mercurialibus atomis gravidam exhibebat pro fugandis necandisq; puerorum lumbricis; Imò ipsum *Mercurium vivum* in substantiâ contra eundem morbum propinabat, dum scilicet iste saccaro candi continuâ agitatione tamdiu miscebatur, usque dum splendore suo, suâq; lubrica

volubilitate se ipsum amplius non prodebat; (in cochleari autem ligneo debebat assumi dictus pulvis, cum illis quæ ex corporibus metallicis parantur cochlearibus, v. g. argenteis, stanneis, ob constans veteris amicitiae fædus sele amicè uniat:)

§. II. Nihilominus candidum hocce in capite antecedente dictum Magni illius Medici monitum, tanquam imperatorium aliquod *ἀνὰ τὸν ἔμφαν* in memoriam mihi sæpè revocans, ac reverenter habens cerebri mei ceræ tantas impressit contra medicamenta Mercurialia ideas nauseantes, ut iisdem per praxeos meæ quam viginti & quod excurrit annis nunc exercui, tempus rarissimè fuerim ulus.

§. III. Et hoc quidem eò magis ideò, postquam non modò accesserint lectio variarum observationum periculosos affectûs & affectûs malè, vel saltem non adeò adcuratè præparatis Mercurialibus remediis natales debentes exponentium; sed etiam, & quod adhuc majus est, quia *scorbutus*, maris Baltici olim saltem incola, ultimis aliquot lustris totius *Germania*, imò tantum non *Europa* cives truculenter aggredi, massam sanguineam corrumpere, aut putrefacere, & vilcerum coctionis robur innatum infringere soleat, ut ita insimul nervosum genus spiritibus necessariis, avorumq; nostrorum robore carentibus majorem partem depauperatum à simili  
cru-

cruditate Mercuriali acidâ & indigestâ facilimè omnium lædatur, veluti exempla passim obviæ abunde testatum cunt, ac simile exemplum de *azoth Herlingiano* præcedente in capite proposuit.

## CAP. IV.

*Contra Misochymicos pugnans.*

## §. I.

**D**Ehortatio autem ista à primicerio illo chymico mihi facta, de quo capite primò, primariò feriebat ipsum *Mercurium*, metallicum illud corpus & medicamenta inde confecta. Quæ vero huic sunt analogæ, vel quodammodò saltem de essentia & qualitate Mercuriali participant remedia cinnabarina, mitius experiuntur fatum, majoremque sibi per quotidianum experientiæ testimonium conciliant fiduciam, & hoc quidem non immeritò tam *cinnabaris antimonii*, quam *nativa*, præcipuè quidem *Hungarica*; cum materia illa Mercurialis, quæ partim constituit essentiam *cinnabaris*, non restet cruda & sola talis; sed ab admixta parte sulphurea corrigatur, alteretur, depuretur & figatur, & sic aliam quasi induat indolem.

§. II. Priorem illam, scilicet *antimonii cinnabarin*, quod attinet, Medici, Galenici in specie sic dicti, lapidem moverunt omnem, ut veluti aliis medicamentis chymicis, ita ipsi etiam debitum suffurentur honorem, chymix ignaris persuadentes, quòd illa componeretur è duobus venenis mineralium vehementissimis, & per consequens sine incerto & dubio, imò summè periculoso eventu neutiquàm propinari posset à cordato Medico agrotantibus; κακῶν enim κατὰ κακὰ ὤα; quales sunt parentes, tales filii.

§. III. Verum enim verò, quomodo à draconibus hìsce venenatis tam dispar, isq; generosissimus generetur foetus, jam dudum Orbi literato splendidis ratiocinationibus declararunt pyrotechni nostri; Imo rerum omnium certissima magistra experientia vehementi, eoq; quotidiano invidos suffudit rubore, Harpocraticumq; illis imposuit silentium, adeò quidem, ut ista Galenicorum Mischymicorum sectæ doctrina cum Patronis suis hætenus consenuerit maximâ sui parte, ac successivè ad occultas fuerit rapta umbras; E contra dogmaticorum Medicorum, id est, remedia Galenica chymicis amicè & rationali methodò combinantium societate magis magisq; florente antagonistarum suorum famam decente prærogativâ submerferit. Vel inter vivos adhuc hinc inde hærentium bonam partem tanta præ-



præcellit confusione, ut nolentes - volentes, manuq; invitâ agris suam opem ac operam exposcentibus medicamenta chymica propinare, ac advescere audeant, licet eadem componendi methodum neutiquam calleant; sed, ut saltem tales videantur, & cum Bacchi esse nequeant, thyrsigeros saltem sese exhibeant. Quamvis incerto, imò tristi ac infelici aliquando id accadat eventus, & hæc ab istis propinata remedia gladium in manu furientis æmulentur.

§. IV. Unicum tale lectori in scenam producam exemplum: Similis chymix ignarus videns alios Chymiatros præscribere contra lumbricos aliosq; adfectus, Mercurium sublimatum dulcem; ne ignorantix in Chymiâ argui possit, quoq; præscribit Mercurium sublimatum, (NB. crudum illud venenum:) credens vocem dulcis superficiariè saltim addi; Pharmacopæus in re chymica magis versatus, ac ille præscribens, modestè monet Medicum, num aliis intentus fortè improvisò omiserit vocabulum dulcis, illumq; velit intelligi Mercurium dulcem modò dictum; sed iste indignabundus præcepit, ut præparetur modò præscriptô; Pharmacopæus factâ decente protestatione iussa expedit, sed dictum factum, puer statim ab assumptô venenô crudeli post solita symptomata diem suum brevi & quidem ante diem, obire, & ad plures migrare cogitur.

## CAP. V.

In *Cinnabaris antimonii* ex-  
furgens encomia.

## §. I.

**E** contra dictæ *cinnabaris antimonii* exhibitione pluribus, iisque contumacissimis obviam ire morbis, atq; hanc iis edomandis suffecisse, & adhuc sufficere, quis est inter saniores Medicos modernos, imò alios eruditos, qui ignoret? Sed quid provoco ad testimonium Medicorum, vel aliorum quoq; eruditorum, cum tantum - non omnes cujuscunq; conditionis homines medicamentis utentes, inscii quidem, ad plausu suo beent *cinnabarina* remedia, eorumque efficaciam è fundamento experientiæ amplificent: Et cum illiterati de hisce tam adcuratè loqui, aut sentire nequeant, mediante colore rubro pulveres illos cinnabarios (*die rothen Pulver*) virtute suâ commendabiles efficiunt & proclamant.

§. II. In specie gloriosam hanc eandem reportavit non modò per Saxoniam nostram; sed per totam Germaniam, & quod excurrit, ruber ille pulvis cinnabari-

barinus, *specificum cephalicum* quem vocitant celeberrimi Lipsiensium Professoris D. Joh. Michaëlis.

§. III. Cùm enim hic viderit, magnum illum Chymicum, Præceptorem suum, Joh. Hartmannum, præparasse, præparatumque desideratâ euphoriâ exhibuisse contra epilepsiam, cognatosque cerebri affectus pulverem è cinnabari antimonii (vel etiam aliquando nativâ Hungaricâ) magisterio perlarum & coralliorum anaticâ proportionem mixtum egregio, & insigni laude dignissimo huic invento postea addidit alia adpropriata, vi cordiali, cephalicâ, nervinâ, & sanguinem purificante pollentia; dum nimirum magisterium suum cordiale & epilepticum, ut & fœculam pœoniæ miscuit dicto *cinnabari antimonii*; Cujus pulveris compositionem, quia jam dum publico ingenuè communicaverint clariss. Dn. Frid. Hoffmannus, Clav. Pharmacent. Schröder. l. 2. c. 77. §. 252. fol. m. 109. & l. 3. c. 16. fol. m. 293. Dn. Godofr. Scholzius, in Trigâ sua cinnabriorum. c. 5. §. 5. p. m. 46. seqq. alique, ejus descriptionem non nisi brevissimis sum propositurus; Proportio autem horum ingredientium erat talis: Resp. *Cinnabaris antimonii libram*. i. fœcul. radic. pœoniæ libram semis, magister. epileptici uncias quatuor, cordialis uncias duas, fol. Auri numerô ij. Qui ampliora de hoc desiderat consulat laudatorum Autorum bigam, cùm repetere ea supervaca-

vacaneum ducam; semperque nauseaverim denuò dicere, quæ prius, ac alibi, atque ab aliis sunt dicta. Hoc tamen adhuc transilire nolui, laudatum Dn. Autorem ultimis aliquot vitæ suæ lustris proportioni illi ingredientium à modò citato Dn. *D. Hoffmanno* descriptæ addidisse semper magisterii *dentis equi marini* unciam semis; quem dentem, ceu rarissimum nervinum & antepilepticum, magni æstimabat.

§. IV. Tantum in hoc medicamento (*specificò cephalicò* nimirum, vel καλ' ἐξοχὴν *pulvererubro demrothen Pulver* dicto) posuit fiduciam Saxonia superior, imò tota tantum non Germania, ut ad hoc, tanquam ad sacram anchoram confugere fuerint adlveti singulifere illi, qui Archeum incandescentiâ, terrore, meditationibus, laboribus, & similibus fatigatum roborare ac solari, ludorem ciere, massam item sanguineam depurare, ejusque acrimoniam corrigere volebant, aut necesse habebant; non obstantibus & ab experientiâ irritis redditis lingvarum invidiosarum spiculis, quibus purorum Galenicorum, utpote misochymicorum secta magnatibus Chymix ignaris persuadere audebant, periculosissimum hoc esse remedium, utpote è duobus venenis violentissimis constans. Nihil dicam de pluribus aliis affectibus, quibus hocce veluti Herculeæ quædam clava, vel *nodo Gordio Alexandri* magni gladius (ali-

quando



(aliquando etiam abusivè) opponebatur, adeò quidem, ut dictus vir magnus quotannis non aliquot uncias, sed plures ejusdem libras expetentibus vendiderit. Jam autem partim ab ipsius tunc Chymiurgo, nunc vero Lipsiensium Chymico famigerabili Dn. Matth. Zittmanno, aliisque nonnullis discipulis genuinâ methodo confectum, partim verò à diversis, quâ Medicis quâ Pharmacopæis, tum quoad ingredientia tum quoad horum compositionem ac dosin satis adulteratum desiderantibus exhibeatur.

§. V. Præter dictum hunc *cinnabaris antimonii* in *specifico cephalico Michaëliano* ulum aliis quoque modis diversisque intermixtum remediis eundem adhibere consueverunt Medicorum nostri seculi non pauci; dum v. g. celeberrimus Academiae Jenensis Professor, D. Godofr. *Mæbius*, hospes ac præceptor quondam meus honorandus hunc *cinnabari antimonii* correcti addit cornu cervi sine igne, cornu & ungulam alcis, viscum corylinum, Iamaragdum præpar: & alia pro conficiendo suo pulvere antepileptico.

§. VI. Plura item & ampliora videre licet apud experientissimos Joh. *Quercetanus* in Tetrade Capitis affectuum, Hadrian. à *Mynsicht*, in Armamentario Medico-Chym. Dan. *Sennertus* in Instit. Medicinæ. Joh. *Hartmannus* in Prax. Chymiatr. Gverner. *Rollsincium*  
 C in Chy-

in Chymia in art. form. redactâ, Valent. Andr. *Mollenbroccium*, Tract. de arthridide vagâ, Fridr. *Hoffmannum*, in methodo medendi, & clave Pharm: *Scbröderi*, Dav. *Ludovici* in Pharmaciâ, Georg. Wolffg. *Vvedelium* in Ephemerid. Germanic. anno tertio, Godofr. *Scholzium* in Triga Cinnabrior. Matth. *Tillingium* in scrutinio cinnabaris, aliosque; Et elucescet hoc à diversis diversimodè contra eosdem, si non plures adfectus; ac paulò turpius in specie de *specifico cephalico*. D. *Michaëlis* proferebatur, exhiberi solere.

## CAP. VI.

*Incomparabiles cinnabaris nativæ laudes extollens.*

## §. I.

**L**Audes quidem insignes, gloriolumque honorem nostro hoc ævo jure meritò ita sibi comparavit *cinnabaris antimonii* uti modo dictum; Gloriam tamen mirum quantum majorem, atque ejusdem multis paralangis superantem ultimis aliquot lustris nostris acquisivit *cinnabaris nativa*, præprimis *Hungarica* (quippe quæ ob soli nativi benignitatem sulphure auri volatili,  
ut

ut plurimum est impregnata, ac reliquis purior) testantibus meis Dnn. Dan. *Ludovici*, Tract. de Pharmaciâ, dissert. 1. p. m. 345. & Dn. *Vvedelis* pharmaciæ. l. 2. lect. 3. c. 4. p. m. 139. Imò ipso *Sennertô*, ante illos, in Medic. Instit. l. 5. part. 3. lect. 3. c. 17. p. m. 1440. & hoc adeò, ut à Neotericorum plurimis jam non modò epilepsiæ & motibus convulsivis desiderato eventu opponatur, veluti ab Antecessoribus nostris beatissimæ memoriæ fieri solebat; sed etiam sub certo experientiæ quotidianæ testimonio medeatur singulis illis adfectibus, (specialia eorum hic enumerare nomina amplum nimis foret,) ubicunq̃ue spiritus cordis ac cerebri, nervosumq̃ue genus roborationis egent, ubi salledo sanguinis demulcenda, ejusq̃ue acidum absorbendum, ubi pro dolore leniendo vis anodyna requiritur, ubi massa sanguinea præternaturaliter ebullit, vel tota Microcosmi œconomia rebelles patitur tumultus, ubi virtus balsamica sanguini concilianda, cruditatesq̃ue in putredinem fermentantes corrigendæ, præcipitandæ, ac laxiando, ubi sanguinis grumescencia resolvenda, ac incrassatio ventilandæ; Ut paucis verba multa atq̃ue ampla proferam, insimulq̃ue vulgaribus Medicorum terminis loquar, statuo; *cinnabarim nativam* valere, ac methodicâ ratione adhiberi aliisque adpropriatis remediis tutò misceri ubi-  
 unq̃ue opus est virtute alexipharacâ, antifebrili, dia-  
 C 2 phore-

phoreticâ, cephalicâ, ac quæ huic affinis, præcipuè nervinâ, cordiali, roborante, balsamicâ, anodynâ, absorbente ac præcipitante, & per consequens contra adfectus corporis humani plurimos, quorum nomina è modo dictis facilimè cognoscere poterunt artis Filii, utpote cum quibus mihi præcipuè res est; & quidem prælerativè ac curativè dari posse; Unde accedit, ut à non paucis Neotericis ipsis vomitoriis quoque & purgantibus misceatur, non quidem eò scopò, quasi qualitatem vomitivam aut purgatricem simul immediatè obtineat, sed quod *Archæo* robur conciliando, eveniat, quò per accidens & mediatè desideratus medicamenti illius effectus eò feliciter faciliusque succedat.

§. II. Exinde liquet, ac unusquisque facilè concludere potest, ad sacram hancce *cinnabaris native* anchoram citò tutò, ac jucundè opitulantiem esse, confugiendum, sive supremus, sive medius, sive infimus ventèr, & quæ hisce inhabitant viscera, sive etiam artùs morbis premanent, & sic Medici indigeant auxilio; ac poterit pro circumstantiarum vel indicationum medicarum diversitate aliis remediis illa huic vel illi adfectui oppositis commodè misceri, cùm eorum qualitates mirè exaltare soleat.

§. III. Eidem enim opinioni, quam cum diversis Neotericis capite ultimo, Tract. de Ballamatione



p. 209. 210. seqq. defendi, adhuc inhæreo; scilicet, non semper opus esse specialiùs statuere de hujus vel illius remediis qualitatibus occultis aut specificis, quod hoc, v. g. valeat in specie contra tussim, asthma, sodam, hep-  
 par calidum, lienem obstructum, dysenteriam, &c. Sed quod de pluribus generalibus liceat judicare, & medica-  
 menta applicare, prout hic vel ille affectus requirat, aut diaphoreticâ, aut diureticâ, aut confortativâ virtute do-  
 tatum auxilium. Sic v. g. remedia capitis ac nervorum affectibus medentia, magni Helmontii effato, ut pluri-  
 mum consistunt in substantiâ salinâ volatili, vel oleosâ; Veronica verò & cerefolium tussi & asthmați mocos  
 medentur, quia via diureticâ, & serum incrassatum re-  
 solvente ac incidente pollent. Cum bonam partem (bonam partem dico, non totaliter) methodus medi-  
 candi consistat, aut in lymphæ & massæ sanguineæ à parti-  
 culis heterogeneis nimium incrassatæ rarefactione, aut in earum nimis rarefactarum incrassatione; & per con-  
 sequens in ordinariâ ac legitimâ sanguinis & lymphæ circulatione. Quæ quidem pro Archæi, spirituumque cordis ac cerebri robore & debilitate, symptomatum-  
 que atque complexionum varietate diversimodè mi-  
 scenda ac alternanda.

§. IV. Prolixiora & specialiora de cinnabarinâ virtute qui desiderat, consulat Matth. Tillingii Scrutinium

cinnabaris, partim in prætatione, partim in capitibus diversis latè hujus ulum & virtutem deprædicantibus, & quidem ita, *ut lapidem quoque Philosophorum*, rerum mundanarum, desideratarum illud desideratissimum τὸ πᾶν *è cinnabari nativâ* confici posse c. 38 p.m. 234. seqq. statuere non erubescat.

## CAP. VII.

*Diversorum Autorum opiniones  
examinans, an & quomodò cinna-  
baris nativa chymicè sit  
tractanda.*

## §. I.

CUM igitur accuratâ animi lance aliquoties hætenus ventilaverim, cedro dignam virtutem, cedroque dignos effectus, quos partim *cinnabaris antimonii* in specifico cephalico *Michaëlitano*, aliisque modis propinata, partim *cinnabaris nativa* ultimis præcipuè aliquot nostræ ætatis lustris humano generi morbis obnoxio præstiterit, quomodo sylvestreitas *Mercurio* aliàs innata, ac solita à sulphure illo minerali fuerit amico connubio cicurata, ac ad meliorem frugem coacta, in spe-

in specie verò *cinnabarim* illam *nativam* non nisi simplici elutriatione depuratam exhiberi solere. Non immeritò mecum tali modò sum ratiocinatus: Si *cinnabaris nativa* (quod de Hungaricâ utpote puriore, imò aurum volatile ut plurimùm continente præcipuè mihi sic sermo, ex antecedentibus Lectori innotuit) tantum non cruda, nec aliter ac vili elutriatione, quam dicunt, (*schlemmen*) præparata & depurata tantis *microcosmo* morbolo commendat suam qualitatem miraculis, ubi tamen partes essentialiter eandem constituentes sulphur nimirum & Mercurius, facilissimam imò rusticam, uti loquitur in pharmacop: Chymicâ incomparabilis *Schröderus*, sui separationem adhuc admittunt; nec dum firmâ unitæ sunt connexionē; quid inde quaeso, sperandum erit efficacioris effectus, si dicta principia cinnabarina cautum ignis chymici examen experiantur, ac longiore fixatione magis magisq; uniantur, atq; exaltentur? Hâc enim methodo quicquid sylvestris ac metallicæ heterogeneitatis fortè restat, diuturnâ caloris violentiâ absorptum iri, Pyrotechnorum mihi promitto adensum.

§. II. Scopo huic meo calcar insuper addebat, laude dignissimæ *chymiatricæ* consuetudo, dum *cinnabarim antimonij*, quippe quæ nativæ in multis analogâ est, aliquoties sublimando rectificant, eam ob rationem, ut à *sulphure antimonij* præstantior, ejusq; virtus magis exaltata

tata reddatur, ceu loquitur Vir magnæ in Chymiâ experientiae, *Zivölferus*, in Mantiffa Spagyricâ, fol. m. 367. Certè enim mihi perſvadebam, mineram hancce non in ſummâ perfectione è Terrâ erui, ſed veluti reliqua ferè omnia medicamentofa depurationem & exaltationem adhuc majorem admittere.

§. III. Proinde è manuſcriptione veteris illius axiomatis, *inventis facile eſt addere*, mortuos conſulebam Conſiliarios, hoc eſt, evolvebam Chymiatrorum ſcripta, ventilaturus, quomodò hic hâc, ille illâ methodò eandem chymicè ruminaverit, atq; examinando inſitas ejusdem vires exaltaverit. Sed pauca ſaltem reperi, eamq; ab Antecelloribus rarò tractatam, aut ægrotis exhibitam. Ubi cum nonnullis aliis jure meritò non poſſum non mirari, quod Dn. Joh. *Schröderus* (vel ob ſolam Pharmacopœiam Medico - Chymicam publico communicatam memoriâ æternâ, æternâ gratiarum actione digniſſimus) ſuperficiariè ſaltem *cinnabaris nativæ* mentionem faciat, dictæ Pharmacop. lib. 3. c. 16. p. m. 419. Inquiens: *Uſus internus cinnabaris nativæ vel mineralis, præterquam, quod epilepticis nonnunquam permixta deprehenditur, quod ſciam, nullus eſt. Extrinſecus aut adbiberi poteſt ad ſanandam luem veneream, ſcabiemq; aliam in ſuffimentis.* Cum tamen ille aliàs rerum pharmaceuticarum, & imprimis mineralium, ut-  
pote



pote difficiliorum, qualitates physicas laboriosè è pluribus Autoribus collegerit, atque accuratissimè probatâq; experienciâ describendo Antecessoribus suis tantum non singulis in hoc passu multis parasangis præcesserit.

§. III. Unde quidem quoque patescit, quod obiter monitum voluerim, virtutem divini hujus remedii Viro huic incomparabili paucis saltim adhinc lustris demortuo, qualitates rerum medicamentosarum è cedro Lybani ad hyssopum ferè nobis cognitâs, aliàs callenti ac describenti nondum adeò fuisse cognitum, Dei què inperscrutabile consilium cuilibet seculo aut ætati reservare peculiares suos thesauros, sua dona gratiosa. Et cum crescentibus peccatis nostris, magis magisque succrescant dolor! symptomata, uti varia, ita in specie nostro in territorio scorbuticâ, hisce suum quoque posuit obicem, suum antidotum, juxta dictum illud auro contra charum *Jerem. 21. v. 20. Nonne Ephraim est filius meus dilectus!* &c. &c. ubi divina clementia fatetur quod cogatur ipsi misericordiam exhibere.

§. IV. Lubet hic honorificam facere mentionem Joh. Quercetani, in Tetrade capitis affectuum, c. 33. p. m 48. optimè de cinnabarinativâ loquentis; cum liber in paucorum sit manibus, producâ integra ipsius verba: *Quod ad nativum & minerale cinnabarinum attinet, natura in quibusdam aurifodinis Hungaria profert genus*

D

quod-

quoddam cinnabaris mineralis ponderosissima, & artificiali longè rubicundioris; Imò etiam quæ usq; adeò transparens est, & dilucida, ut non minoris pretii, aut majoris etiam ipso auro aestimetur; quæ per se & citra ullam preparationem aliam, quam quæ naturæ coctionibus temperata est, remedium est nobilissimum & admirandarum virtutum contra minores epilepsias & analepsias. Sed verum præcipuè specificum est vertiginum; tale à multis Philosophis Chymicis magnis in Germania agnitum, à quibus hoc remedium, tanquam insigne arcum magno habetur in pretio; cujusq; beneficio ego cum Dei gratia 4 aut 5. viros egregios vertigine liberavi, vel unica hebdomada 4. vel 5. ad summum dosibus exhibitis, etsi malum hoc vertiginosum usq; adeò exacerbaretur interdum, ut judicium omne agris eriperet. Conficitur autem sequenti modo: R. Cinnabaris mineralis & lucidi unciam semis, supra marmore pulverisato, adde magisterii perlarum, coralliorum ana scrupulos duos, croci scrupul. i folior. auri decem, vel potiùs auri flammam concipientis (id est, fulminantis) scrupuli semis; misce exactè; dosis est scrupulus semis, ad scrup. unum &c.

§ V. In vicem itaque, quod à rogatis Autoribus cognitionem virtutis cinnabarinæ perceperim, veluti jam dictum (modò allegatum Quercetani testimonium si exceperim) animus in contrarium potius movebatur, ac dehor-

dehortationes à diversis Artis Medicæ Antistitibus sentiebat; *Cinnabarim* scilicet *nativam* non adeò commodè ac tutò submitti operationibus pyrotechnicis, v.g. destillationibus, calcinationibus, &c. veluti quidem iisdem obediunt aliæ res medicamentosæ, præprimis quoque metallicæ; sed securiùs eandem in substantiâ saltem propinari, pulveribus aliis, præparata quædicuntur, mixtam. Cum aliàs metuendum sit, Mercurium in eâ contentum, amicisq̃ue sulphuris metallici compedibus ligatum, & per hoc correctum, ac depuratum, ita sibi soli fore redditurum, suisq̃ue in Sylvestribus cruditatibus reviviscentem tantum abesse, ut postea similem operam, quam in miraculoso hõc composito præstat, præstet; ut potiùs illi ipsi tristes, qui à crudis mercurialibus sæpiùs accidunt, sint expectandi effectus.

§. VI. Sic plurimæ experientiæ chymicæ Vir Dn. Dan. Ludovici, collega, dum vivebat, dilectissimus, in Pharmaciæ suæ diss. 1. de diaphoreticis mineralibus p. m. 352. inquit: *Cinnabaris nativa per nimiam curiositatem divelli non vult, quod fit, dum sulphurea pars per alcalia fundendo & digerendo extrahitur. Et paulò post: Abstractione acidorum non tam alteratur, quàm pervertitur, æquè ac materia, quæ post consuetam Mercurii separationem ibi restat, meritoq̃, proindè, quæ natura hic coniunxit, homo ne separet, etiam curiosioribus exaltationibus*

D 2

bus

bus volatilibus & consimilibus mensuris. Et Frider. Hoffmannus, in clav. Pharmac. Schröder. l. 3. c. 16. §. 104. p. m. 294. statuit: Cum cinnabaris omnem digestionem stomachi subterfugiat, ut in corporis nostri æconomiam distribui nequeat, sed vel Odoretenus, aut nudo saltem aspectu variè mireq; nostrum alteret Archæum, non est ut per artem Spagyricam nimium à nativâ suâ abducamus indole; vel per naturam juncta & mixta separemus, dum acidorum abstractione tam alteratur, quàm pervertitur ejus virtus. Neg. sulphurea ejus pars per alcalia digerenda, nec per principiorum dissolutionem in præcipitatum diaphoreticum redigenda est. Et ibid. c. leq. §. 166. p. m. 314. de Cinnabari antimonii; Hujus virtus si manere debet integra per partium ejus Æearum & mercurialium separationem, ut & per acida & alcalia factam inversionem destrui non debet. Nec minùs Dn D. VVedelius, Collega honorandus, in Pharmacia l. 2. sect. 8. c. 8. p. m. 240. Cinnabaris nativa, si arenosa & saxea absit, & secludatur, ubi opus est, substantia, non eget menstruo, ut extrahatur, vel solvantur partes, sed qui vires, quas possidet, utiliter impendere gestit, eò modò, quò natura illum miscuit, ubi eodem opus habet, cum nec in sulphure solo, nec admixtis partibus solaribus, vel aliis solis eadem reperiuntur, sed ex utriusq; mixtione resultent. Hujus Trige fide nostrâ dignissimæ Testimonio adplaudunt  
Neo-



Neoterici alii, unde etiam fit, ut modernorum Medicorum plures suis ægrotis dictam *cinnabarim* propinent solis illis pulveribus quasi simplicibus, præparata qui dicuntur, miscendam, sine additione, aliorum, aut salium alcalicorum fixorum, volatilium, aut acidorum fortius & magis penetranter resolventium.

§. VII. Monita hæcce, solidis rationibus pyrotechnicis utpote conformia, ac innitentia, æquâ animi lance dum pondero, non potui non quidem iisdem meum addere calculum, fateri coactus, miraculosâ mixtione medicamentum hocce à naturante naturâ, Deo, compositum, atque metum esse, ne ex ejusdem per hanc vel illam resolutionem chymicam mercurium (quippe qui bonam partem *cinnabarim* constituit) in innatas rursus degenerare impuritates ac cruditates, & per consequens more solito, dum sibi soli relinquitur, plus aloes, quàm mellis habere, ac exhibere humano generi opem inde quærenti.

## CAP. VII.

*Circulationis & digestionis chymicæ utilitatem in genere demonstrans.*

## §. I.

Nilominus deterrere me non potuerunt Viri ingeniosi & eruditissimi, quin peculiari aliquâ eâque

Iecuriori methodô scopum meum prosequi auderem. Dum enim considerabam mirabilem partiû remedium hoc constituentium unionem, à naturâ factam, ansâm arripiebam meditandi, num hæc ulteriore, eâque lentâ atque successivâ (per violentam enim atque nimio opere maturatam combureretur sulphur metallicum, nobile, vel separarentur partes unitæ) digestionem ac diuturniore circulatione magis magisque fîgi, combinari, uniri, & sic ratione efficacitæ exaltari valeant, cùm naturâ sæpè à sui æmulâ arte sese juvari concedat; Deus insuper sua bona nobis vendat labore.

§. II. Quod autem vis mercurialis & sulphuris metallici nondum adeò arctis compedibus sit ligata, aut unionem experta firmiorem, & indissolubilem, patet inde, quod Viri modò allegati ex additione salium, præcipuè mineralium, aliorumque resolventium penetrabilitate pollentium dissolutionem unionis non immeritò metuant, imò experienciâ demonstraverint, veluti quidem juxta *Schröderi* & *Zwölfferi* mentem faciliè inde mercurius, & *Vvedelii* mei manuuctione ac methodo non difficulter *sulphur* inde separari possit. Ampliores descriptiones & dissertationes, hac de re legere si libet, licet, apud Joh. *Schröderum*, Pharmacop. Medico chym. libr. 3. c. 16. p. m. 419. Joh. *Zwölfferum*, Mantissæ Spagyr. part. 2. c. 7. f. m. 359. Georg. Woltg. *Vvedelium* Ephemerid. German. Annitertii. observ. 105 p. m. 173.

§. III.

§. III. Neutiquam enim latet Pyrotechnos, quàm magni momenti operatio sit, circulatio ac digestio, dum illa nimirum obstetricante calore externô, per prudentem & expertem artificis manum accensô in vasis clausis successivè perfectiorem rebus communicat maturitatem; sic enim parsearum adhuc fixior sese amico consortio jungit magis volatili, & hæc illi, lentâ pugnâ, pedentim in se ipsum agendo; sic virtus latitans exaltatur, suppressa acuitur, partes impuræ & heterogeneæ, si crassioris substantiæ sunt, separantur, vel si subtiliora, moderatè ac lentè consumpta annihilantur, & evanescere coguntur, relicto corpore puriore concentrato.

§. IV. Exemplum subministrant illi, qui *lapidi Philosophorum* elaborando insudant; Loco plurimorum Scriptorum allegari hîc quæ possent, sufficiant ea sola, quæ è nonnullis in dissertationis meæ de *Tinctura Universalis* c. 6. adduxi, ibi apparebit, totam ferè paginam in maximo illo opere absolvi per diuturnam, & eam quidem accuratissimam digestionem.

§. V. A labore universalis pergo ad hujus succedaneos analogos, ubi diversa medicamenta arcana; ac rarâ energiâ sese commendantia obviam eunt, inter quæ non infirmum obtinent locum ipsa mercurialia, v. g. mercurius cum auro, ac variis aliis modis præcipitatus, ubi itidem in legitimâ, modestâ ac longinquâ circulatione  
potior

potior operationis pars consistit. Plura hujus rei exempla produci possent, nisi brevitati staderem.

§. VI. Descendo ab hisce ad communiores magisque usuales extractiones essentiarum atque tincturarum; quidnam hic juvet, quid operetur, vel levis saltem digestio, tincturâ contenti remedii indies indiesque auctâ, Pharmacopœorum etiam norunt pulsiones.

§. VII. Quid moderata, eaque cauto igne tractata possit *circulatio*, è millenis aliis unico saltem specialius adhuc probabo exemplo: Magnus Chymicus mihi tanquam arcanissimum olim communicabat *Elixir proprietatis Helmontii*, mirabilemque ejusdem deprædica-  
bat energiam contra plurimos adfectus, ita quidem parabilem: sumatur myrrhæ, aloes, croci orient: ana uncia una, pulverisâta omnia indantur vitro forti & capaci; hermeticè sigillantur, ponantur in calorem lenem, donec materia in fundo coaluerit, in parietibus verò vitri oleum rubicundum circulatum hæserit, atque rursus delaplum, & sic proprio suo *alkabesto* resolutum fuerit; super has species, destilletur postea leni igne, ac per gradus aqua cinnamomi. Inveni egomet postea hanc descriptionem, paulò tamen obscuriorem, in ipsis J.B. *Helmontii* operibus, nimirum in fragmento illo, quod præcedit Tractatum in herbis, verbis & lapid. magna latet virtus insignitum, f. n. 458 Fateor, me læpitiis non sine stupore



ac delectatione insigni hæc vitra species digerendas continentia adspexisse, quomodo scilicet guttæ rubiniformes per vitrorum parietes oculis curiosis sese ostenderint. Elixir autem dicto modo paratum rarâ ac multò majore efficacîâ sese certè commendat contra diversos adfectûs, quibus sedandis Elixir Proprietatis communi methodò paratum datur.

## CAP. IX.

*Sublimationem cinnabaris nativæ tractans.*

## §. I.

IN proposito hõcce ad optatum finem perducendo, a-  
nimus quoque mihi erigebat curiola à quibusdam  
Chymicis cautè instituta *cinnabaris nativæ sublimatio*,  
quæ sanè operatio sublimatoria tantum abest, ut illas in-  
natas cinnabarinas qualitates (veluti in aliis operibus ac  
tractationibus ejusdem chymicis experimenta quidem  
id satis testantur,) turbet, imminuat, aut infringat, ut po-  
tius mirum quantum easdem, augeat, exaltetque, ceu  
rerum omnium magistra hæc de re itidem satis abundè  
loquitur experientia. Non omnis autem *cinnabaris*  
tâm facîle obedit huic operationi; modus insuper subli-  
E mato-

matorius paucissimis est cognitus. Tibi, curiole Lector, non inviderem pro genii mei more hanc methodum, nisi avidius inhians hujus cognitioni acquirendæ Amicō communicanti sanctam silentii fidem promississem; nullus tamen dubito, quin ejusdem propalatio Tibi aliunde propediem sit expectanda, imò obtinenda; imò lapidem movebo omnem pro illō Tibi per tertium obtinendō

§. II. Non possum non, quin hoc loco gratuler seculo nostro, quod ipsi quoque, veluti antiquis Antecessorum temporibus, non desint aliqui orbis magnates, literas colentes, & in specie quidem rerum physico-medicarum & quæ nunc potior harum pars est, Chymix Studio faventes, imò manus tam illustres in primis quoque ejusdem operibus non planè detrahentes. Ubi submisso cultu jure meritò nomino augustum rei literariæ defenlorem, DN. FRIDERICUM, Saxon Jul. Cliy. atque Montium Ducem, Patriæ Patrem gratiosissimum. Hic enim, quantumcunque temporis ipsi licet suffurari curis Regimini publico dicandis, illud uti diversis Musarum lacris, ita quoque non rarò curiosis rebus physico-medicis perscrutandis litat, atque inter alia dictam *cinnabaris nativæ* sublimationem tentavit, tentatamque feliciter absolvit.

§. III. Quum elegantissimō rubore coccineō singula-

gularum oculis se commendantem, dum contra febres cujuscunque generis, aliosque adfectus effectu laudabili exhiberi haecenus gratosè curavit, & in hoc se providum ac munificum subditorum Tutorem ostendit. De quâ operatâ operatione ipsum meum corpus, cum elapsô anno malignâ corripiebatur febre, devotum ac certum testimonium humillimè proferre, & vult & debet.

§. IV. Dixi in paginâ antecedente, modum sublimandi *cinnabarim nativam* paucissimis esse cognitum, quod vel ideò clarescit, quod hujusce sublimationis nullus Autorum, quâ veterum, quâ recentiorum, quantum mihi quidem constat, modum ac methodum describant. Licet non ita pridem Dn. D. Godof. *Scholzius*, & nuperrimè Dn. D. Math. *Tillingius* de *cinnabari* speciales, eosque laude dignos in publicum produxerint Tractatus. Me quidem non latet, unum alterumque Autorem (ne eosdem viros eruditissimos arguere videar, nomina non addo) in publicâ *specifici cephalici Michaëlitani* descriptione proposuisse, quod B. D. *Michaëlis* ad hujus compositionem adhibuerit *cinnabarim nativam* sexies sublimatam. Verùm certè mihi constat, tam antea quàm per integrum illud septennium, quo ipse vixi in ipsius Muleô, laboribusque chymicis interfui, pulverem huncce nunquam fuisse confectum è *cinnabari nativâ*, nec simplice, veluti aliàs exhiberi solet, nec sexies

sublimatâ, sed semper è *cinnabari antimonii*, & hac quidem 5. vel 6. vicibus sublimando depuratâ. Ex superfluo quæsi nuper è Dn. Math. *Zittemanno*, ingenioso Lipsiensium chymico, qui pyrotechniæ Michaelitanæ usque ad ejus obitum fuit præfectus, quidnam ipsi de hoc dubio constaret, & sanctè asseveravit, quod per sedecennium suum, quò illi fuit à laboribus Chymicis, idem de hac cogatur affirmare, quod jam dixeram. Paulò ante obitum suum quidem laudatissimum Dn. D. *Michaëlis* nonnulla curiositatis gratiâ in perferutanda *cinnabari nativâ* tentasse, sed successu non adeò optatò. Proinde judico, virum illum curiosum, qui primùm cephalicum specificum literis publico communicavit, adcuratam hòc in puncto hujus cognitionem non habuisse, sed pro *cinnabari antimonii cinnabarim nativam* posuisse, cujus authoritati reverenter inhærentes alii, postea suis scriptis idem inferuerunt, unde hocce erratum improvilò suam traxit originem, uti non rarò in similibus rebus fieri solet.

§. V. Postquam, curioso Lector, caput hocce, imò integrum opusculum jam jam absolveram, ac illud Typothetæ imprimendum committere intenderam; ecce! *Vedelii* mei candore accidit, ut hic statim obtineas idem, quod Tibi aliunde sperandum ac obtinendum esse, promiseram; hoc est, communicavit ille quoque mihi modum *cinnabarim sublimandi*. Quem cum & ipse  
Tibi



Tibi non invidet, libens lubens aperio. Sic autem in literis ad me datis loquitur: *Sublimatio instituenda est sive per retortam ex arenâ ad instar cinnabaris antimoni, igne fortissimò, sive, quod compendiosius, & mihi consultum ita R. Cinnabaris nativæ puræ, q.v.v.g. Libram semis, vel amplius, pulverisata indatur cucurbita minori (ein Scheide-Röhllein) hac verò reponatur in crucibulum rotundum majusculum, & in furnò anemio sub igne rota intra paucas horas separatio succedit remanente in fundo parte terreâ albâ, vel magis cineritiâ. In regione verò mediâ flores, seu sublimatum cinnabaris eleganter splendens, circuli formâ adharens. In summo climate, levi factâ cum luto obturatione, partes evehæ subnigricantes mercuriales & sulphureæ quadam adherent rostro, ad instar mercurii dulcis.*

## CAP. X.

*Autoris methodum circulandi cinnabarim nativam detegens.*

## §. I.

**P**ostquam igitur denuò æquâ mente expenderit, quantum energix à diuturniore digestionē ac longinquiore circulatione, sibi promittant illi, qui *Tinctura n-*

*niversalis, vel lapidis Philosophorum* elaborationi invigilant, vel universalis illius Azoth adeptioni insidiantur; Quantam item efficaciam inde experiantur illi, qui laboribus arcanioribus huic analogis incumbunt, quantum non minus virtutis quotidiana suppeditet experientia in extractione usualium essentiarum ac tincturarum chymicarum; hypothesei confidens physica in cap. 8. antecedente præsupposita, ac in primis Divinâ innitens ope, aggressus sum dictam hancce *cinnabaris nativæ* tractationem, modò in verbis sequentibus ingenuè, ac candore Medicum Christianum decente, & enchirisis possibilis perspicuitate detectis declarato; scilicet: *Cinnabaris nativæ* Hungaricæ veræ, elutriatione depuratæ, interno usui aptæ, veluti eandem vendere solent mercatores Vienneſes, atque à parte terreâ vel arenosâ, utpote impuriore, liberæ, subtilissimè pulverisatæ uncias duas aut tres inclusi globo vitreo capacitate suâ libras duas medicas fortassis capienti, (globi autem tales facile obtineri possunt, cum hæctenus ab aurifabris, pætricibus, &c. aqua repleti tempore vespertino candelæ opponantur pro juvandò visu) foramen in superiore globi parte operculo ligneo, papyro circumvoluto, & cerâ Hispanicâ liquatâ accuratè ligillavi, & quia manubrio instructus est globus, mediante filo allegato eum suspendi in clavum ferreum tegumento scrinioli infixum.

§. II. Subinisi lampadem oleô olivarum puro nutritam filo mediocris crassitie huic immisso. Potuisset quidem vas hoc vitreum, veluti non rarò retortæ solent, lutari; verum à vitro suspensum delapsum limi ignisque inde suffocationem metuens, aliasque ob causas, liberum ita flammæ exposui. Plus vice simplici miratus sum, quod vitrea hæc corpora per violentam caloris actualis torturam præcipuè ultimis mensibus, non fuerint disrupta; negare etiam non possum, unum alterumve horum rupturam mihi valdè minatum fuisse, exorto in vitri fundo, non exigua fissurâ; Licuit autem mihi semper esse tam felici, ut frequentiore ac cautiore inspectione illud præviderim, materiamque contentam alii vitro incluserim. Quâ de re curiosos operadores ingenuè per hoc volui monitos.

§. III. E superfluo tamen addo, chymia jam dudum cognitum fuisse, quomodo vitra pro majore firmitate ac durabilitate obtinenda, ac pro securiore materiæ contentæ adservatione, peculiari compositione possint acquiri. Similem mihi amicus communicavit, quam Lectori benevolo, uti alia, ita & hancce ingenuè detego; Sumantur cinerum è ligno vitis purissimorum libræ sex, Salis communis culinarii, silicum pulverisatorum ana-

ncia tres, fluant optimè mixta in fornace vitrariâ; dum erò adhuc fluit, injice pulveris borracis uncias tres;

ex hac materiâ fluidâ pro tuo lubitu poterunt formari vitra.

§. IV. Hujus autem lampadis flamma primis tribus mensibus, 8. vel adsummmum 9. digitis transversis à vitro distabat. Quibus elapsis per aliud trimestre, ignem admovi paulò propiùs, nimirum unius & ferè dimidii digiti altitudine. Sequentibus postea tribus mensibus idem præstiti, ignem mediante proximiorè admotione paulò magis augendo; Ac tandem non minus ultimo anni quadrante, ignem exaltando dictò modò pergere, consultum judicavi.

§. V. Dixi quidem, ignem fuisse continuum, fateor tamen, me adeò rigorosum semper in hoc non fuisse; sed aliquando una alterâve horulâ flammam cessare concessi, ut ita à continuo ac satis violento hoc ignis tormento materia contenta quasi quodammodò se se refocillare potuerit.

§. VI. Cum metuerim, partes mercuriales contentas, utpote subtiliores, sublimiora esse petituras, ac in auras evoluturas, inutiliter, utpote à sulphureis nondum planè subjugatas & fixatas, foramen globi vitrei, uti dictum, accuratè clausi. Me autem opinionem hanc non fefellisse, vel inde patet, quod aliquoties observaverim, prioribus aliquot mensibus integros vitri parietes scatere guttis largis in pulverem subjacentem striatim relabentibus,



tibus, ut & vaporosum nonnunquam fumi adscensum; in ultimis verò mensibus non item, manifestò argumento, *cinnabarim nativam* usualem nondum esse corpus planè fixum (veluti quidem quidam autumant) sed ejusdem sulphur atque mercurium vi ignis diuturnâ posse penitus uniri, ac tandem combinari, magis magisque figi. Ut autem hæc resolutio & unio eò felicius procedat, materiam vitro inclusam sæpius agitavi. Ubi & hoc experientiæ meæ testimonium non possum non addere, dictas modò strias non semper æquè mihi successisse; sed plus minus fuisse obvias, prout partes mercuriales utpote volatiliores, sulphureas ligantes, in proportionem superaverint, vel iisdem nondum benè fuerint unitæ; Inde *cinnabaris nativæ* diversitatem etiam judicare licebit sanioribus.

§. VII. Tandem benevolum Lectorem latere nolui, quod absoluto, & ad incudem ita deductò hòc opere, expenderim, *errare humanum esse*, juxta vetus dictèrium; Propterea ne imponerem (quamvis incius & invitus) orbi erudito, aut seducerem, consulosque redderem Philiatros, ac novitios Medicinæ Practicos, aut mihi soli sapere viderer, desiderabam judicium, vota que colligebam aliorum carbones chymicos tangentium, inter quos merità nomino, in decus atque emolumentum Chymix in superiore nostra Saxoniâ natos Dn. Dan. Ludovici, &

F

Dn.

Dn. Georg. Wolffg. *Vvedelium* Archiatros Saxonicos, ut & Dn. Math. *Zittermannum* Chymicum Lipsiensem, qui egregiam efficaciam medicamentosam hinc esse sperandam, unanimi calamo ominabantur, ideòque horum innitens suffragio, eò audaciùs rationibus meam addere experientiam audebam,

## CAP. XI.

*Dosin ac utendi modum demonstrans.*

## §. I.

**D**Eclaratâ nunc, & quidem candore Christianum decente, ac possibili perspicuitate declaratâ præparandi methodo, necessum erit, simili ingenuitate propalare dosin ac utendi modum. Quamvis enim cuidam liceat eò felicitatis pertingere, ut possideat quoddam incomparabili pollens virtute medicamentum, nisi simul ipsi de ejusdem ulu ac dosi constet, hoc abusivè, ac inquantitate aut majore aut minore, adhibitum, vel poterit esse gladius in manu furientis, vel ad minimum paucum, imò nullum inde erit sperandum ægroto solamen.

§. II. Proinde physicâ hac innitens hypothesi: Si *cinnabaris nativæ* non nisi sola elutriatione depurata ac præ-

præparata, cœterùm cruda, laudabilibus effectibus sese  
hactenus commendavit, & adhuc commendat, dum propi-  
pinatur 4.6.8. ad 10. granis pro dosi, inter alias tamen ut-  
plurimum res medicamentosas, ac in specie præparata  
quæ audiunt, mixta, me à scopo non aberraturum aut in  
methodi medendi regulas peccaturum censui, si *cinnaba-  
rim* hancce, dictô meo modô exaltatam, exhiberem 2.3.  
aut 4. granis pro dosi. (ut autem eò certius de effectu mihi  
constaret, dedi uni ac alteri desperatè ægrotanti, v.g. Hy-  
dropico & paralytico inveterato 8. ad 9. grana pulveris  
hujus circulati, non modo sine incommodo; sed & lau-  
dabili efficacità:) Nec opinioni defuit effectus, sed sco-  
pum obtinui desideratum. Exhibui autem illam vel  
præservationis saltem, vel curatoris indicationibus satis-  
facturus.

§. III. Ad præsertionem consultum judicavi, ac  
sufficientem inde mihi promisi operam, si, pro comple-  
xionum quidem ac symptomatum diversitatibus, unâ  
alterave, imò tertiâ saltem septimanâ semel dosin talem  
propinaverim, ne Archæus generosi hujus remedii nimi-  
um advescat auxilio. Ubi efficaciorẽ quoque inveni  
operationem, si proximò ante Lunæ mutationes die, à  
cubicum ituro assumatur. (Universalis tamen, ceulo-  
quuntur Medici dogmatici, ut & aliquando alia medica-  
menta simul omninò sunt præmittenda ac conjungen-  
da.)

da) A blandô enim *cinnabaris sulphure anodyno* mollis paritur somnus, unde Archæus hac tranquillitate meditante anam arripit, œconomix suæ microcosmicæ commodum promovere. Quantum enim utilitatis conferat sartum-TECTUM, servandæ valetudini somnus tranquillus, vel rusticorum etiam norunt pushones. In specie autem dicto jam tempore, præservationis causâ bonâ euphoriâ exhibetur in iis, quibus à capite & nervoso genere debilibus diversa illa accidunt symptomata, v.g. cephalalgia, epilepsia, vertigo, apoplexia, arthritis, item, qui catharris, uti vulgò vocantur, sunt obnoxii, nec minus illi, qui scorbuticæ ac hypochondriacæ salis aut acidæ impuritatis patiuntur symptomata, sentiunt hâc sanguinis refocillatione fortem putredini serpenti poni obicem.

§. IV. Hac occasione non possum non quasi obiter monere, (cum dixerim, me ante mutationes Lunæ felicius ea exhibere solere) quod me neutiquam lateat, Medicorum etiam modernorum nonnullos ab astrorum influxu, & præprimis Lunæ mutationibus nullam planè operationem, nullasturbas, nullam opem concedere in Microcosmum medicamentorum operationibus. Quamvis quidem eam controversiam specialiter hic non faciam meam, nihilominus tribus saltem verbis statuo, me illis ipsis ex tenui meâ praxi, plusquam millena in contrarium opponere valere experimenta;



ut nihil dicam de innumeris aliorum testimoniis. Am-  
babus tamen concedo manibus, non omnes æquè ho-  
mines à dictis Lunæ mutationibus quiddam molesti  
perpeti; sed eos præcipuè qui catharrofi vulgò audiunt,  
vel quibus in specie caput cerebrumque, aut hæreditariè,  
aut alias ob causas occasionales non adeò obtigit firmum  
ac vegetum.

§. V. Quando verò ad ipsam morbi cujusdam  
curationem propinare dictam meam *cinnabarim*; ani-  
mum intendi, id pro morbi ac symptomatum conditio-  
ne ac violentiâ, vel prout celerius expetebatur auxilium  
modò frequentiore; modò tardiore eam dosi exhibui;  
sic v.g. in febribus malignis ac continuis dedi singulis vel  
alternis saltem aliquando diebus semel, in intermitten-  
tibus verò ante paroxysmos; verâ autem fide testari pos-  
sum, me tantum non semper criticum secutum affe-  
ctum observasse, & quidem ut plurimum mediante su-  
dore quasi spontaneo.

§. VI. In nonnullis tamen madorem lentum, cri-  
ticum tamen, sequentibus demum diebus successivè, imò  
aliquando planè insensibiliter optatam evenisse opera-  
tionem observavi. In morbis verò diuturnioribus non  
adeò frequenter exhibui. Non iniquum erit, heic addu-  
cere, quid in propriò meo corpore, quasi pro sui inven-  
tione, gratias acturum, hocce medicamentum mihi be-

neficii exhibuerit. Non modò enim hoc mihi ipse febrem malignam pleuriticam violentam duobus abhinc annis patienti aliquoties exhibitum; sed etiam hætenus successivè ad Archæum roborandum, vim balsamicam sanguini conservandam, scorbuticasque massæ sanguineæ cruditates separandas ac superandas optimè profuit, & adhuc prodest.

§. VII. Celeriore autem & adhuc certiore mihi promitto de hocce efficaciam, si frequentius exhiberetur, quod mihi hætenus præstare non adeò licuit, cum in majore copiâ illud nondum possederim, quod in posterum tamen haud difficulter effici posse nullus dubito.

§. VIII. Monendum quoque duxi, veluti in aliis pluribus quoad usum hujus me accommodaverim ului *cinnabaris nativæ* solitæ, ita & in hoc à me factum quòd eandem miscuerim quoque ferè semper uni alterive pulveri adpropriato, præparata quæ dicuntur, partim & præcipuè ne minima ista dosis *cinnabaris* ponderosi in dente cavò, aut faucibus hæreat, aut inter deglutiendum perdat, partim quod per illorum pulverum analogiam eò citius in actum ducatur *cinnabaris*, eorumque postea operationi penetrabile pondus addat sua energiâ, atque ita quasi per horum virtutis scintillam fortiores *cinnabaris* radii accendantur; veluti utraq; *cinnabaris* (& antimonii nimirum, & nativæ) laudabilem talem effectum quotidianâ demonstrat experienciâ.

§. IX.

§. IX. *Cinnabarim* autem dictâ meâ methodô præparatam, magis fixatam, atque exaltatam contra illos adfectus quoscunque, quibus eandem more communi solùm elutriatam ac pulverisatam opponere consueverunt, hucusque Hygææ proceres, propinare consultum reperi, expendens, hasce ambas non nisi gradu qualitatum, hoc est, secundùm magis purum & impurum differre.

§. X. Proinde supervacaneum censeo, longis ambagibus hic repetere, quibusnam complexionibus præservativè, & symptomatibus curativè sit exhibendum, cùm partim superius è capite sexto elucescat, ac hauriri possit ejus ulus ex illis, quæ de *cinnabari nativâ* in genere ex Autoribus nonnullis fuere deprompta, partim, quod possint è superfluo, illi ipsi ibidem allegati ab iis, qui ampliora desiderant, consuli. Cùm semper nauseaverim ab aliis jam dicta & publicata denuò scribere, exscribere, describere, transcribere, rescribere, Ætopicamque meâ ita ostendere corniculam. Jam saltem dixisse sufficiat, quod iisdem adfectibus applicuerim, quibus communis *cinnabaris* propinatur, licet ratione doseos diverso modo id fiat, veluti modò dictum.

§. XI. In specie tamen hic præterire non possum, quod *cinnabaris* dictâ meâ methodô fixata contra ipsam quoque pestis virulentiam tam præservando, quam curando. extraordinariam mihi exhibuerit opem. Dum enim

enim Patriam dulcissimam ac vicina quædam oppida irati Dei Justitia eâdem puniebat, non modò generosum hocce remedium à crudeli hâc lue me ipsum, meos, ac alios plures (inter quos præcipuè nomino Clericum quendam in vicinâ urbe degentem, qui plures ac ducentos peste infectos visitavit, & sacrâ synaxi beavit, nihil tamen mali à pestilenti istô contagio unquam est expertus;) divinâ benedictione præservavit; Sed etiam non minus contra ipsam pestem jam jam-præsentem diversis illud exhiberi curavi; & quidem effectu ut plurimum laudabili ac desiderato. Modus autem propinandi est talis: Cùm ratio ac experientia, utpote solida Medicinæ fundamenta, probent (veluti alibi quidem jamjam demonstratum,) *cinnabarim* & *nativam* & *antimonii*, communi saltem modò præparatam, non facile solam sed aliis pulveribus mixtam commodius & felicius assumi, ideò & hic illud observare, consultum judicavi. Propterea ad præservationem contra crudele hoc virus singulis 7. ad 10. diebus dosin hujus unam dedi; scilicet *cinnabaris* dictâ methodo fixatæ, gr. ii. ad iij. adhibui, additis cornu cervi sine igne præparati, & antimonii diaphoretici ritè præparati ana grana VIII. vel IX. expectatô vel stimulatô aliquando inde ludore. Luem ipsam verò jam dum patientibus exhibui singulis 2. 3. ad 4. primis diebus dictæ *mixturæ cinnabaris* gr. iij. vel iiij. miscendo cornu cervi sive igne



igne, præparati, antimonii diaphoretici rec. ana gr. X. salis volatilis cornu cervi gr. V. ad VI. corpore ad madorem proliciendum disposito.

§. XII. Ubi curiosum Lectorem latere nolui, me-  
tum in aliis olim morbis, tum pestilenti quoque hoc  
tempore non rarò observasse, sudorem non semper subitò  
ac rivò largò post hujus assumptionem, adparuisse, sed  
nonnunquam successivè demum, unò vel alterò post die,  
& sic lentà ac continuâ, criticâ tamen diaphoresi fuisse  
conspicuum; prout Archæus massam sanguineam, ac  
in eâ contentas cruditates noxias reperit dispositas; Non  
rarò itidem planè insensibiliter & successivè suam exer-  
cuit operationem. Plus vice simplici quoque bubones  
jam dum apparentes ab assumptò hòc remediò in locis  
excretoriis retrò cessasse, materiâ illâ per dictam diapho-  
resin criticè ac lentè, tantum non sine ægrotorum incom-  
modò aut molestiâ manifestâ, per cutis poros dissipatâ,  
observare nobis licuit.

## CAP. XII.

*Partes essentielles cinnabaris nativæ,  
ac inde orientem operandi modum  
generalius describens.*

## §. I.

**A**Equitas tandem medica & necessitas jubet, ut de  
modò operandi, vel quò modò & per quid vires  
suas

suas exlerat dictum medicamentum, nonnulla subjungamus, quo eò majore fiduciâ eòdem utantur ægroti, illudque his propinare valeant Medici. Cùm meritò in honore sit habendum dictæ Philofophi, Medicum in confilium vocatum ita alloquentis : *Ne me tractes ut subulcum; sed explica priùs causas morbi, tuasq; contra hunc indicationes, & me postea habebis morigerum.* Ut igitur paulò generaliùs quædam præmittam, dico, partes essentialiter illud constituentes esse mercurium & sulphur, & vel *cinnabarim nativam* esse mineram mercurii de sulphure solari participantem, veluti quidem Philofophia per ignem, vel rationes pyrotechnicæ à fundamentis mechanicis depromptæ abundè ac sufficienter eunt testatum. Autores enim in superioribus capitibus allegati edocent, illam sine magno labore in dicta hæc sua principia reduci posse; modos reducendi apud eosdem evolvere, si libet, licet.

§. II. Medicamenta quidem è mercurio oriunda, superius capite 2 3. ipse quasi suspectus reddidi, ut proinde Lectori non adeò esset vitio vertendum, si in hancce nostram quoque cinnabarim, non adeò confideret. Verum enim verò, quòd nulla sit regula, quæ exceptionem & distinctionem non admittat, illud & hic locum habet ac confirmatur. Sermo enim ibidem erat de remediis è mercurio solo, ac præprimis crudo haustis, quippe qui  
peri-

periculosus ac sylvestribus largè scatent cruditatibus, quæ à genuina substantiâ mercuriali separatu sunt difficiles, nec omni Chymiurgo præparationem audenti obediunt, ut sic tantum absit, quin desideratum acquirant effectum, ut potius symptomata augeantur, imò sæpè sæpius alii periculosissimi ac tristissimi succedant eventus. Si autem adcuratâ Chymiatrici mente ac manu tractentur, ac subigantur, remedia energix incomparabilis, atque ad panaceæ genium accidentia inde extorqueri, ibidem monuimus. Propterea cinnabarina nostra meritò hic quoque erunt excipienda, quippe quorum pars mercurialis à Medicorum & Chymicorum Primate, Deo O.M. per admixtionem sulphuris blandi metallici miraculosè cicuratur, figitur, atque benigni moris esse jubetur. Ligaturæ enim mercurii & sulphuris puri metallici principium operationis tantæ virtutis in *cinnabari* esse adscribendum, meritò cum diversis aliis statuit meus *VVedelius*, quâ de re ampliora videre licet apud eundem, in Pharmac. l.2. sect.5. c.3. ut & ibid. sect 6. c.8. alibi. Ipsam quidem *sulphuris* indolem quod concernit, notum quidem est, qualitate ejusdem nimium quantum dolor! efficaci ac penetrabili abuti hodiè Bellonam, & qui huic affines, in interitum Humani generis, ac internecionem dum illud infelici monachi istius invento pulveris pyrii potior pars existit. Noxam tamen quam dicto modo

do nolens-volens excitare cogitur, egregiè resarciunt  
 medicamenta è sulphure extracta, balsamum sanguini  
 nostro conciliando, millenisque aliis, & quod excurrit,  
 vicibus œconomiae microcolmicæ interveniendo; quâ  
 de re ampliora adderem, nisi post Homerum melliada  
 scribere, ac noctuas portare Athenas, haberem, quod  
 metuerem. Quem, quaeso, latet largissimis ambagibus  
 virtuosa sulphuris encomia in plurimorum eruditorum  
 scriptis deprædicari, imò integros de hisce innotuisse Or-  
 biliterato Tractatus?

## CAP. XIII.

*Specialiùs edocens, quònam modò  
 suam absolvat operationem in cor-  
 pore cinnabaris nativa.*

## §. I.

Generaliora hæcce de partibus *cinnabarim nativam*  
 essentialiter constituentibus præmittere necessa-  
 rium judicavimus. Quibus succedat, necesse est, spe-  
 cialiùs declarare, quonam modò laudatum nostrum  
 medicamentum suam absolvat operationem. Notum  
 quidem est è Pathologiæ modernæ regulis, veluti cibum  
 po-



potumque assumptum, ita & medicamenta debere à fermentò stomachicò digeri, dein ad intestina ablegata mediantibus vasis lacteis, thoracis, ac lymphaticis, massæ sanguineæ, & successivè visceribus, ac membris illis, quibus destinata est virtus ista medicamentosa lento gradu transvecta communicari, suasque ibidem desideratas efferere vires actuali, materiali ac topicâ quasi operâ. Hoc in pluribus ita succedere medicamentis, vel crassiorum ad minimum eorum portionem in corpore nostro sic tractari, ambabus concedimus manibus, cum fundamenta & rationes ex autopsiâ anatomicâ modernâ petitæ illud evincant, ac ipsi invidiæ indignanti clarissimè propinant. Sic v. g. pro acido, vel salso, p. n. sanguinis ac lymphæ absorbendo, pro sanguine febriliter ebulliente temperando volatilia, Martialia, Saturnina, nitrata, aliæque præcipitantia, ac alterantia, mediante sanguinis circulo, methodo ac viâ hâc successivâ, ideoque Archeo gratissimâ suum laudabiliter absolvunt censum.

§. II. An autem tardus hicce operandi modus ab omnibus remediis exhibitis debeat ac velit expectari, potior Medicorum recentiorum pars jure meritò dubia hæret, imò contrariam defendere sententiam cogitur. Ut enim primò *cinnabarim nativam* (utpote de quâ nobis præcipuè jam res est) in scenam producam, negari non potest, eandem tam subito ob ponderosam substan-

tia suæ metallicæ gravitatem ac fixitatem in ventriculo nequiquam subigi, atque in actum materialem traduci posse, nihilominus frequentissima passim occurrunt experientiæ testimonia de efficaciâ ejusdem, uti laudabili, ita subitanæ. Inter mille exempla jam saltem prodeat vis ejus anodyna, item antepileptica, nec non sudorifera; sæpè enim accidit, ut tantillo temporis spatio, quò grave hoc corpus vix venis lacteis totum possit communicari, si actualis digestio plenariè concurrere debeat, minimè verò per sanguinis massam transportatum in cerebro somnum excitare, aut epilepticos insultus suffocare, multò minus per poros cutis longissimè diffitos sudoris largas satis excitare valeat scaturigines: Ut nihil dicam de hoc, cinnabarinam substantiam sæpè indigestam, ac colore rubro in excrementorum alvi excretionem, veluti loriceam sese prodentem; successu interea optato in corpore obtingente.

§. III. Audiamus expressa unius alteriusque Naturæ Mystæ de hac re arduâ & ventilatu dignissimâ verba ac mentem; Sic enim summè de publico meritis meus Dn. Dan. Ludovici, in Pharmaciâ modernâ p. m. 340. inquit: *Cinnabaris vix in stomacho vel pusionum observatione resolvitur, sed incomprehensibili fermè nec tum determinato contactu subito sæpè cum consimilibus aliis, quod suum est, agit*, Frid. Hoffmannus, method. med. lib. I.

c. 11. p. m. 142. & clavis Pharmaceut. l. 3. c. 16. p. m. 292. ita loquitur: *Cinnabaris ventriculi digestionem minimè paret, neq; in corporis œconomiam recipi potest; assumpta tamen quàm diu in stomacho haret, Archaeum nostrum variè mireq; afficit alterando.* Idem ibid. p. m. 294. *Cinnabaris omnem digestionem ventriculi, & intestinorum actionem subterfugit, ut in corporis nostri œconomiam distribui nequeat; sed vel odore tenus, aut nudo saltem adspectu variè mireque nostrum alteret Archaeum, &c.* Matth. Tillingius, in Scrutinii cinnab. nat. præfatione, inter alia de operatione medicamentorum metallicorum, & in specie cinnabaris sic testatur: *In stomacho incipiunt directum virium suarum radium, virtutemq; dotalem exponere, ut in corpus totum sparsâ haustâ in Archaeo vi radiali irrorata sanitas inde succedens avidè suscipiatur.* Metalla enim sunt specula quedam lucentia, quæ vim habent penetrandi & illuminandi Archaeum à suis erroribus, furoribus & defectibus, quod illum restituant in nitorem tincturâ dotalis perfectionis, &c. Plura ac magis dilucidata licet legere partim in dictâ præfatione, partim in illius Tractatus c. 25. p. m. 185. ut & c. 36. p. m. 230. specialius hac de re agente.

## CAP. XIV.

*In præcedente capite de cinnabari  
nativâ dicta aliis rebus ulterius  
illustrans.*

## §. I.

**E**Adem planè de diversis aliis rebus medicamentosis Medicinæ procerum est opinio. Statuunt enim operationis energiam absolvi peculiari planè atque arcanâ, eademque celeri methodo ac modo, dum scilicet Archæus, utpote providus Microcosmi œconomus, sæpè sæpius non possit tam diu expectare, usque dum per vasa chylum, serum ac sanguinem vehentia partibus, quibus auxilium afferendum est, advehatur, atque ibidem actuali ac materiali contactu operetur; sed cogatur ob emmens periculum viâ proximiorè, sui muneris quod est, absolvere, atque ita per medicamentorum non ita pridem assumptorum, ac in stomachis ad minimum potiorè sui parte adhuc hærentium insitam qualitatem, mediante spiritali quâdam irradiatione, ac ideali impressione vel magnetismo quasi, virtutem suam in corpora effundere.

§. II. Hac



§. II. Hac de re summè curiosâ acutissimè philosophatur *Helmontius*, partim diversis in locis operis illius, quod in *Herb. verb. & lapidibus* magna latet virtus, inscripsit, partim aliis in *Tractatibus*, statuendo, remedia & præcipuè metallica (utpote ut plurimum fixiora) radium suarum virtutum & virium in stomacho deponere, inde demum per totum corpus eam dispergere, imò citra sui dissolutionem solo adspectu, illuminatione ac irradiatione, aut radiorum lucidorum circulatione, postea in partibus, quas transeunt, sanationes perficere.

§. III. Sententiæ huic *Helmontianæ* plures Neotericorum suum addunt calculum, & cum prolixitatem semper nauleaverim, lubet saltem pro majore modò dictorum explanatione producere nonnulla exempla per mechanicam experientiam eadem confirmantia : Tale exhibent testimonium medicamenta contra apoplexiam, lipothymias, adfectus mulierum hystericos, & similes celerrimum clavæ Herculeæ auxilium exposcentes propinata, per hæc enim (licet non semper sint volatilia, aut substantiæ penetrantioris,) sæpe sæpius plurimum pedes è Charontis cymbâ, si non in momento, tamen brevissimo temporis spatiolo retrahi, nemo negare audebit; quod, ut per vias ordinarias è stomacho, mediante chyli, lymphæ ac sanguinis motu (quævis me non lateat,

H

hunc-

huncce paucissimis horis absolvi,) fiat, sanè esset impossibile. Quomodo, & quam citò aliquando vel unicus vini generosioris haustulus refocillet, robur novum iis addendo, morbo, mærore, terrore, laboribusque fatigatos, experti loquantur.

§. IV. Truculentam, eamque aliquando satis subitaneam narcoticorum, præprimis abusivè haustorum operam, quod attinet, optandum esset, ne tristes horum effectus hinc inde obtigissent, aut obtingerent, atque ita horum qualitates penetrantes non confirmarent, eadem ad minimum bonâ sui parte lentam stomachi digestionem neutiquam expectare.

§. V. Ut ad purgantia transeam, produco è plurimis exempli loco mercurium vitæ, & vitrum antimonii, quanta inde sæpius enascantur horrenda symptomata, lipothymia, cordis palpitationes, convulsiones, è pulvisculo illo, pauxillo, & quidem valde fixo & brevissimum saltem post tempus assumptum, nauseam movere Lectori volo, cum de his testentur non modo illi, quibus debilia sunt viscera; sed & quadrati habituque athleticò præditi rustici.

§. VI. Sic ingeniolum valdè Chymiatriæ est inventum tinctura sulphuris vitrioli dicta, quæ conficitur è terra vitrioli dulci, vel è capite mortuo spiritus vitrioli, unde sapor omnis vitriolicus est elixivatus, de quâ postea spiritus nitri ac vini rectificatus abstra-

hen-

hendus; Hæc mirandos sæpe præstitit effectus magno D. *Michaëlis*, mihi, aliisque, 30. ad 40. guttis propinata contra quascunq̃ hæmorrhagias internas, externas, narium, uteri, vulnerum, remotissimarum etiam partium, sputumq̃ sanguinis; & illud quidem celerimè, motu chyli ac sanguinis pro hac operatione nimis tarde impediēte.

§. VII. Quomodo osteocolle parvâ dosi retenus assumpta celeriter conglutinet ossa fracta, à stomacho licet remotissima, quomodo item dens apri assumptus pleuriticorum dolores mirè sublevet, hanc modò dictam lententiam defendens accuratè philosophatur Otto *Takenius* in suo morborum principe, c. 9. p. m. 125. 126. & sequentibus.

§. VIII. Non possum non tangere venena, & ex horum ampla farragine jam modò nominabo arsenicum; quamvis enim hoc sit corpus fixum, grave ac ponderosum & per consequens massæ sanguineæ communicatu difficilior, nihilominus frequenti constat rerum usu, illud idem stomacho vix intrusum, malitiosâ suâ acrimoniâ tam infestum esse Archeo nostro, ut non modò horrenda inde subito excitentur symptomata; sed & ut plurimum balsamus vitalis penitus suffocetur, ac ita morti fenestra aperiatur, remediis penetrantibus, & multum aliàs valentibus, licet celeberrimè exhibitis, sæpè nil valentibus.

§. IX. Quamvis autem, veluti modò dictum, deleteria ab hoc assumpto insequantur subito accedentia, vitæ nostræ interitum minantia, imò producentia, nihilominus è sectionibus anatomicis, ita enectorum oculatiores didicerunt plus vice simplici, pulverem arsenici deglutiti in stomacho adhuc fuisse conspicuum. Exemplum tam mœsti exitus ipsi meæ praxi obtrigit, dum in sectò cadavere sceminæ, cui insciæ maritus perfidus in ossa arsenici pulverem exhibuerat, paulò post morte secutâ, hic in stomacho adhuc hæsitans, oculis omnium sese offerebat.

§. X. Similem mediante ideali irradiatione operationem confirmant sequentia. Norunt quidam, Chymix periti, conficere vitrum antimonii peculiari modo, cujus vel minimam portiunculam si injiciunt una, alterâve horâ vino, hoc autem propinent, vomitorii optatum adipiscuntur finem; dicto antimonii vitrò idem pondus, eandem virtutem semper retinente, licet vel centenis vicibus usui tali fuerit accommodatum.

§. XI. Eodem innititur fundamento aqua mercurialis pro enecandis tenellæ ætatis lumbricis propinata; dum scilicet mercurius vivus in aquâ fl. acaciæ, persicorum, absinthii, aut simili aliquot diebus infusus, & quandoque agitatus, sæpissimè felici energiâ sese commendat, de pondere ac qualitate mercurii nihil planè decedente.

§. XII. A-



§. XII. Agmen de hisce per irradiationem operantibus medicamentis claudat dictum maximi momenti, & altioris indaginis magni *Helmontii*, qui in superiùs allegato Tractatu in Herb. Verb. & lapid. magna latet virtus inscripto p. m. 460. ita effatur : *Dicam Filiis nostris, ut ex ungue leonem: Extrabe sulphur antimonii, quod vix à vulgari discrepat visu, nisi quod parum in viriditate vergat; Fac cinnabarim hanc adhuc sexies per se sublimabis, ut sublimatio inserviat pro reverberio lili.* Accipe semiunciam trita bujus cinnabaris, suspende per 24 horas in vini dolio, cujus unicum cochleare per aliquot dies sumtum, miraberis effectum. Estq; eadem cinnabaris sufficiens multis centenis doliis iterum æquivalens, si iterato resublimetur. Ubi obiter moneo, quendam aliàs gnavum satis naturalium scrutatorem per dictum hoc *sulphur antimonii* vel *cinnabarim Helmontianam* intelligere illam antimonii cinnabarim communimethodo sublimatam ac præparatam; An autem, effectus ipse sit responsurus, maximè dubito, (quod quidem pace viri curiosi dixerò, siquidem quemlibet abundare, suo genio concedo) potiùs ei inhærens opinioni, *Helmontium*, jam citato in loco neutiquam loqui de *cinnabari antimonii* vulgari; sed loqui more suo de aliquo *sulphure antimonii*, arcanò & occultò modò parabili; veluti quidem solet non rarò res propositas aut peculiaribus nominibus definire; aut imposita nomina aliter intelligi gestit.

*Rerum physicarum perscrutationem uti summè necessariam commendans, pro labore hoc cinnabarino apud saniores meliùs defendendo.*

## §. I.

**D**Um hæc scribo, audio quasi mihi oggannientes ac indignantes nonnullos morolos Medicos veteranos, qui sub specie, quod nauseent ludicra, noxia, ac ab omnibus ingenuis meritò detestandæ istius novationis studium, plus justò jurant in Magistorum suorum verba, piaculum judicantes, si vel minimum, de illa medendi methodo, quam olim in Academiis sunt edocti, ac de rudimentis practicis primò olim usu cerebri ceræ impressis vel unicum gry decederent. Verum enim verò quæ in Tractatibus meis de Tinctura universali, atque de methodo balsamandi antea editis profiteri publicè Orbi erudito, non erubui, illud idem hic repeto. Scilicet quemadmodum Antecessoribus nostris de republicâ medicâ benè meritis, aut adhuc merentibus nihil planè honoris detrachere unquam sum ausurus; sed eorum memoriam meritò ac pro virili dum spiritus hos regit artus, reverenter sum habiturus, ita quoque è contra nasutulorum istorum novatorum ab aliis olim sapienter dicta fri-

frivolè carpentium genium ac mores semper sum detestatus, ac detestabor, dum vivam.

§. II. Nihilominus, cum amicus quidem Plato, Amicus Aristoteles, magis amica tamen veritas esse debeat cordato Medico, Medico conscientioso, nec ulli liceat talentum suum cœlitus concreditum otiosè terræ mandare; sed eodem pro divino honore ac proximi commodo augendis laborare ac lucrari. Ita quemlibet suo abundare sensu libens-lubens concedo, liberumque ipsi relinquo, quomodo in extremo iudicio de talento ita sepulto, atque somnolentâ mentis suæ socordiâ ac torpore rationem sit redditurus. Ego autem decente candore cum aliis vestigia legam Antecessorum nostrorum superioribus seculis idem egregiè præstantium; hoc enim nisi per tot secula laudabili ingenuitate factum, lanè tantum honoris gloriosi culmen non attigisset Hygæa nostra.

§. III. Optarem equidem, ut & mihi Deus talia otia facere vellet, quò contentus eâdem scientiâ, eâdemque medendi methodo, quam in Academiis, ac praxin medicam initiatus, edoctus, ac adluetus remediorum formulis semper inhærere, atque ita amænæ mentis tranquillitati, sine ulterioribus curis, seriisq; meditationibus renovatis, ac continuò renovandis indulgere valerem! Verum conscientiaæ meæ (veluti quidem mecum aliorum plurium similiter) non licet esse tam fecili; sed dum expendi-

pendimus, audimus, videmus, quæ & quàm multa rem  
nostram medicam mirificè amplificantia & ornantia in  
theoriâ, in praxi, in anatomicis, in chymicis, aliisque e-  
jusdem partibus per frequentia ac firmissimæ fidei expe-  
rimenta laboriosi solertesque artis filii Mundo curioso  
communicârint, & in specie fertili nostro hâc seculô non  
modio aut trimodio; sed toto horreo admetiantur, as-  
sentiri, ac perscrutando illos æmulari, nisi impiæ ignaviæ  
stigmata nostris inurere velimus animis, cogimur.

§. IV. Ne autem invidiosa Medicorum istorum in-  
dignatio in me solùm sua ejiciat spicula, pro meloquan-  
tur simul verba magni *Rolsncii*, quæ extant in dedica-  
tione suar. Disputat. Chymicar. facta ad lucidum *Nori-  
bergæ* ornamentum, Dn. Joh. Georg *Volcamerum*: *Ign-  
ava quadam*, inquit, *seculi depravati ingenia Chymiam*  
*quam non adsequuntur, contemnunt; illa autem in ar-  
duò positâ clarissimâ luce caligantes eorum oculos obruit,*  
*perstringitq;* *admiratores verò suos animat ad honestum*  
*Et pingue otium in his studiis locandum, eaq;* *facienda,*  
*quæ animum caliginibus superioris ævi discussis, inscitia*  
*exuunt rubigine, gloriâq;* *sunt digna eternâ, &c. &c.*

§. V. Ut enim nihil jam dicam de hoc, quid Aca-  
demix nostræ curiosæ leges ac symbolum (*nunquàm o-  
tiosus*) expolcant, jubeantque, dico saltem, quemvis ser-  
vandorum hominum arti addictum, non diffiteri posse,  
si modò scapham scapham vocitare, ac sine suæ conscien-  
tiæ



tiæ cauterio loqui velit, nos quot diebus invenire, quæ discenda restant. Cùm enim tempora mutantur, nos & mutemur in ipsis, laboremus, quò Dnn. Antecessorum nostrorum inventis addamus alia nova. Nova autem nostra inventa non imputemus eorum socordix; sed seculi infelicitati; siquidem procul dubio plura, & fortè adhuc meliora Nos latent, cum imperscrutabile Dei iudicium cuilibet seculo ac ætati sua reservet, uti inquirenda, ita invenienda.

§. V. Ut autem torpida tardarum ac pigrarum istarum testudinum ingenia eò magis rubore suffundantur, appono hanc instantiam: Quinque lustra & quod excurrit, præterière, cum apud communem quasi *Germaniæ* in rebus medico-chymicis Præceptorem, *Lipsiensem* illum Hermetem, D. Joh. *Michælis* degerem, praxeos nostræ rudimenta apprehensurus. Quantò applausu, quantòque scœnore autem ille experientissimus praxin exercuerit, plurimorum adhuc inhæret memoriæ. Ex ingenuis fidelissimi hujus manu ductoris consiliis integro septennio adcuratissimè observavi, quæ discipulum discendi cupidum decent. Eò tempore (ut ad specialiora nonnulla progrediar, pro re penitiùs illustrandâ) Vir laudatus plus millies pro acido vitioso sanguinis hypochondriaco-scorbutici corrigendo laudabili effectû propinabat essentix martis succo pomorum Borsdorff. factæ guttas 30. Item pro æstu febrili sanguinis p.n. ebullientis

I

sopien-

## CAPUT XV.

biendô exhibebat tincturæ fl. bellidis, papaver. errat.  
 lar. &c. itidem saltem guttas 30. tam autem sanctâ  
 e & per conscientiam testor, (quod & mecum fateri  
 guntur moderni saniores Practici plures) per ultimos  
 quot annos vel lustra adeò in deterius cessisse Oecono-  
 am Microcosmicam, vel statum massæ sanguineæ, ac  
 cerum successivè adeò esse immutatum, aut inversum  
 ius, ob magis magisque auctam apud tantum-non  
 nes putredinem scorbuticam, ut, frequenti experien-  
 id evincente ac cogente, Ego cum aliis loco modò di-  
 rum 30. guttarum ad harum 50. vel 60. & quidem ad-  
 o stimulo penetrante, v.g. essentia martis portiuncu-  
 spiritus salis armoniaci, & tincturis alterantibus ad-  
 tis arcanum duplicatum *Mynsichti*, &c. ascenderi-  
 s; minore illâ, ac olim solitâ dosi suum non amplius  
 um in operatione medicamentosâ attingente.

§. VI. In multis ita hæc dosi medicamentorum  
 mendorum hodiè vult augeri ob materiæ morbosæ  
 tumaciam, ceu modò dictum. E contrâ in multis  
 umstantiis summè molliusculè jam tractari massæ  
 guinea cum visceribus, ob Archæum à cruditatibus  
 buticis violentioribus mirum quantum debiliorem  
 dictum superioribus temporibus.

§ VII. Sic v.g. plurimis ideò cautissimè sunt adhi-  
 da, non tam ipsa purgantia, quàm saltem laxantia;  
 minus venæ sectione cautiùs mercari cogimur, ne,  
 cum

cum sanguinis copia simul balsamum ejusdem jam dum parcum & impurum, inò ipsam huic inhabitantem animam quasi evacuemus. Me potissimum autem loqui de *Saxoniâ* nostra superiore, cujus sum incola, quilibet famus judicabit, de locis remotis sentiant Medici ipsis inquilini.

§. IX. Si itaque jurâssem solùm in verba ac metho- dum magni hujus ac candidi Præceptoris, quanta-quanta conscientiæ hætenus inussissem cauteria?

§. X. Instantiam hancce autem neutiquam in opprobrium magni mei Præceptoris ac evergetæ de me summè meriti; sed in honorem veritatis à me fuisse propositam sanctissimè protestor; neque lingua mea, dum hic ero, ullam, nisi honoratissimam de eodem proferet mentionem, ejusdemque præcepta ac regulæ medicæ olim inculcatæ, quantum quidem honoranda veritatis cultura, ac temporis mutationes permittent, uti antea mihi fuerunt, ita & impofterum erunt *αὐτὸς ἔφα.*

§. XI. Tacerem hæc de re, cum semper laboraverim; ne ulli hominum, multò minus Christiano, ac in specie Medico (& huic etiam me fortassis seniori) dictis factisq; meis molestiæ creentur studiumque contradicendi ac carpendi genius meus summè aversetur, nisi honestus veritatis amor aliam adhuc crenæ meæ extorqueret instantiam, quæ est talis: Quod miraculosa *Theriaca* ac *Mithridatii* præprimis quidem alexipharmaca virtus per quot  
2 l  
secul-

cula in sui stuporem singulos rapuerit, rusticorum etiam  
 orunt pusiones. Hôc tamen non obstante, invicta ex-  
 erientiæ testimonia diversorum Medicinæ nostræ Pro-  
 rum ultimis hisce aliquot annis evicerunt, tantum ab-  
 isse, ut contra pestem modernam Germaniæ, Patriæ  
 leissimæ, diversa loca dolor.' misere torquentem eo-  
 m efficacia innumeris sanè vicibus antea, si quid aliud  
 commendans millies-millenis in eandem more solito  
 nfidere solitis, porrò & huic satisfecerit, ut potius exa-  
 batis ab adsumptione symptomatibus mortem acce-  
 atum viderint; Vel ad minimum modò laudatis The-  
 æ ac Mithridatii alia temperata remedia admiscenda  
 ex usu didicerint. Quod quidem, salvo aliorum judi-  
 o, ingredientibus horum bonam partem calidioribus  
 cribendum cenleo, quippe quæ à sæviente in massas  
 tras sanguineas tyrannide scorbuticâ vix & ne vix qui-  
 nunc amplius tolerantur tali modo, ac sine tempe-  
 orum medicamentorum additione, veluti quidem  
 n. Antecessoribus nostris erat solum & licitum.

XII. Hæc de invento hoc meo *cinnabarino* dicto hac vice  
 ciant, usque dum cum Deo & die fortasse alia & ampliora &  
 ora insequantur. Illi, qui Medicum & medicamenta è terrâ  
 vit, eumque à Viris prudentibus non sperni pronuntiavit  
 t, ut per illud sanitas multis conservetur aut vacillans reddâ-  
 atque ita è miraculoso hoc aliisque similibus operibus glo-  
 sa Creatoris nostri munificentia amplificetur, atque al-  
 tiora magis magisque sumat incrementa!